

ЛҰИМА СЭРИПОС

6 сентября
2018 года
№17
(1179)

Общественно-
политическая газета
Ханты-Мансийского
автономного
округа-Югры

www.khanty-yasang.ru

E-mail: gazeta@khanty-yasang.ru

Основана 11 февраля 1989 года



Хальүс район Няхшамбөл павыт «День знаний» нампа ялшың хотал
блыс. Та павыт бвыл классын сәт нйврам ёхтысыт. Нйврамаквет
Виктория Алексеевна Артеева ханищтаңкве патиянә. Ёмщакв
ханищтахтын латңыл тананыл кётыянув.

Ты
номерт
ЛОВИНЬТЭН:

Нйврамыт
ёмщакв
ўщлахтын
кастыл

3

Сәс юнтуңкве ос
тёр толтуңкве
атхатыгласыт

4-5

Нйврамыт
мәгсыл «Султум»

7-10

Ханты мәхум
мүйлуңкве акван-
атхатыгласыт

12-13

Мәнь павылквет
олнә мәньши хум

16

ЛҲХХАЛЫТ

Ханищтахтын тал та ывылтахтас

Сўкыр этпос ывыл хоталэт «День знаний» нампа ялпың схотал вэрыглаве. Россия янытыл ты тал 15 млн арыгкем нэврамыт школан ялантаңкве патсыт. Мән округувт 220 сөтыра нэврамыт ханищтахтуңкве ывылтахтасыт. Тән халанылт 24 сөтыра арыгкем мән нэврамаквет ывыл классын ыхтысыт.

Туи сыс округувт ылнэ школат пуссын ёмашакв ловтвёсыт ос мұсхалыг щёпитавёсыт. Йильпи ханищтахтын тал ывылтахтын ылы-палт савсыр комиссият ты колыт уральтасаныл. Мәнлат мэхум ос ханищтап департаментыт кұшай хум Алексей Дренин лавыс: «Нэврамыт ханищтан колыт Роспотребнадзор, Росгвардия, нэй харыгтан мэхум, нэврам ханищтан хотпат ос щанит-ащит уральтасаныл. Ань округувт ылнэ школат пуссын ёмшакв вэровёсыт ос щёпитавёсыт». Тамле яныг рұпата вэрнэ магсыл округ ос районный бюджетытныл акв млрд 200 млн сөтыра солкөви тастыглавес.

Ос таи ёмас, ты талт 79% арыгкем агит-пыгыт акв смена ханищтахтуңкве патсыт. Белоярский, Нижневартковский, Ханты-Мансийский районытыт, Лангепас ос Покачи ысыт ылнэ агиришит-пыгришит алпыл акв смена щырыл ханищтахтёгыт.

Сўкыр этпос ывыл хоталт Кондинский район Алтай павылт йильпи школа рұпитаңкве ывылтахтас. Октябрьский район Карымкары павылт ос йильпи садик ынттувес. Ты тал ойгпан ылы-палт Хальёс район Тэк павылт, Нефтеюганский район Юганская Обь павылт ос Октябрьский район Перегребное павылт йильпи школат ынттын



Н.Тасманова вэрүм хури

Нэхщамволь школан
минам нэврамыт

маныл аствавет. Кит йильпи садикыг Сургут ыст ос акв садик Ханты-Мансийск ыст рұпитаңкве тах ывылтахтёгыт.

**Ляххал мәнщи латңыг
Людмила ТЕТКИНА
хансыстэ.**

Мән мав касым нөх-патыс

Россиявт хот ышлахтуңкве рөви, та вэрмалит руссылтаңкве мэхум Карелия республикан сав палыл ёхталасыт. Мән округувныл ыс сав хотпат тув ялсыт, тән халанылт Валентина Тарлина Белоярский район Касум павылныл ылыс.



Н.Меров вэрүм хури

Валентина Григорьевна ювле ёхтумёт ты урыл манавап потыртас: «Ам Петрозаводск ысн ялсум, тот мән Югра мав «Лидер событийного туризма» касылт ывыл места вис. Ос мән павлувт

касың тэлы «День оленевода» ялпың хотал вэрыглэв. Ты проект урыл потыртасум. Мўй мэхум ышлахтуңкве манти палтув вөвөв, та хотал салың мэхум танти халанылт касёгыт. Салың суныл касёгыт, сун пентсыл ёсал масхатым нухатёгыт ос акв пұмыщ касыл — сун пентсыл салыт юи-палн төвыль нёгёгыт, та төвлин ынтым салыл минёгыт, тох ты салың мэхум хасёгыт.

Ты коныпал пөслахтуңкве касашан мўй хотпат салы совныл ынтым маснуганув — мольщаныт, сахит, супыт масыглаңкве вөрмёгыт, лагыл маснугыл, энтапыл майлыянўв ос тох та пөслахтёгыт.

Мэхум салы нёвыль тэнугыл тыттыянўв, ты проектув тох намтыслўв — «ОленинаФэст». Төнт мән ёргим нэврнёвлил, пайтым нёвлил, телпың нэнил тыттыянўв, исмитыл айтыянўв. Ос йильпииг тамле тэнуг вэ-

руңкве номылматсўв, ань мәнлат мэхум ос нэврамыт савсыр бургерыт тёгыт. Ты тит нэнь лөмтыг халн саритым котлета ос овожит пинавет, мән савлы нёвыльныл котлета вэрёв, тамле бургерыт мўй хотпанув арталёгыт. Лавёгыт, ты тэнуганув сака атыңыг ылнэныл.

Ам амти щёмьям ёт салыт янмалтёгум. Амти савсыр ханты маснут ынтёгум, ойкам ос пыгум ёрыгхатёг. Вэрнэ утанув мўй хотпанувн молях ёвтавет. Таимэгыс мән мўй мэхум манти палтув аква вөвиянўв. Тох салың мэхманув ма янытыл ванкве патавет, тән олупсаныл ёмаснугев ёмты. Ты проектув хосыт мән «Народное творчество и традиции» касылт хұрмит местал майвесёв.

Округув ос «Бренд региона» нампа номинацият мәнхэпыл каснэ вэрмалы хұрмит местал майвес. Ты касың туи Нефтеюганский районын мэхум мирхал касылн атхатыглёгыт, ханты мәнхэпыл касёгыт. Тув ань мөт хон маныл ыс сав мэхум ёхталаңкве патсыт.

Галина КОНДИНА

ЛЯХХАЛЫТ

Рӯпитан мāt акваг уральтавет

Мāн ѓлнэ мāvт рӯпитаң организацият
Мань вāтихал уральтавет. Ты рӯпата
государственный инспекция вāри. 2018
тāлт хōт этпос сьс хоты предприятия
уральтавёсыт, та урыл кӯщай вāңын хōтпаг
Владислав Терентьев ос Наталья Чекунова
ляххал тотнэ мāхум элы-пāлт потыртасыг.

Владислав Терентьев лāвыс, хōт этпос сьс тāн сāv предприятия уральтасаныл ос акв сōтыра 73 лйль тēлат хōнтсыт. Сāv мāхум сēлум олнаныл тāра ат ойтвёсыт. Мōт мāt ос рӯпитан мāнаныл лйльсан щёпитым ѓл-сыт, тōват договор-

нэпакыл ат вāрвёсыт. Лйльсан рӯпитан мāгсыл организацият штраф-олныл хасвёсыт ос сāv олн ювле ойтункве паттувёсыт.

Рӯпитан хōтпа кӯщайтын мӯсхал щирыл рӯпитаңкве ат ке тārта-вет ос пōхын минуңкве лāваве, тав ѓс тув пиц-

ма хансуңкве вёрми, ты юи-пāлт ты организа-ция уральтаңкве патаве. Мāхум тāнки хан-сум пицманыл почта манос ищйпың ут хосыт ань кетуңкве вёрмёгыт. Владислав Александрович лāвыс, пицмат госуслуги щирыл хансуңкве ѓс рōви. Тувыл кēтым пицмат тāн тāра ловиньтыя-ныл. Инспекция округу вāнытыл такви от-деления ань вāрыс, мāхум тāнки тув ёхталаңкве вёрмёгыт. Тот тāн хўнтлавет ос элалъ сākкон щирыл

маныр вāруңкве тах лāвавет.

Наталья Чекунова ос акв вāрмалъ урыл потыртас. Ань сāv элум-хōлас рӯпитаңкве ѓвылтахтэгыт, договор-нэпак ат вōвёгыт, тот ат хасхатэгыт, тьи мāгсыл тōват уркуптавет ос сēлум олнаныл ат ойтавет. Тōват тārвитың рӯпата вāруңкве вуйхатэгыт ос тāнки урыл ат номсах-тэгыт. Ты тāl хōт этпос сьс лов элумхōлас рӯ-патат āтимыг ёмтсыт ос сāv хōтпа сакватахтасыт.

**Людмила
ТЕТКИНА**

Няврамыт ёмщакв уцхлахтын кастыл

Округ прокуратура пāлыл
Няврамыт пусмалтан ос уцхлахтын
колыт пуссын уральтым ѓныщавет.
Мōлалнув прокурор хум Евгений
Ботвинкин тамле тēлат уральтан мāхум
сапрāнин акван-атыгласанэ, тāн хōт-āти
ѓлум накыт осн-паттысаныл ос аквтох
элалъ рӯпитаңкве потыртахтасыт.

Ты тāl туи сьс няв-рамыт уцхлахтын мāгыс округувт 574 сыре-сыр колыт рӯпитаңкве щёпитаветыс. Тох 475 колыт āгиришит-пыг-ришит ёт хōтал палыт рӯпитасыт, тāн смена щирыл сāv-сыр школатыт вāрыг-лавёсыт. Тувыл 32 лагерин няврамыт кит-хўрум сāтын уцхлах-туңкве тотыглаветыс, ос тōва мāt мощ олн сēлуңкве рōвыс. Тьи щāрыщ вāтат пувлы-нэныл коныпал тāн тēпкант тēлум утыт атэгыт. 58 лагерит вōр мāt палаткат ѓлуңкве вāрыглаветыс, 6 ўсыт ляпат уцхлахтын колыг щёпиталветыс, кит мāt

этэ-хōлатэт няврамыт ѓлсыт ос акв лагерь са-наторият вāрыглавет. Округт ѓлнэ кāсың хўр-мит няврам хотты колн уцхлахтуңкве ялыс ос кāсың сāтыт хōтпа тот матыр нётмил вāрнэ рӯпатан ханищтавет. Пуссын ты вāрмалит мāгыс округ бюджет-ныл кит млрд сāvит солкōви тāставе.

Ань няврамыт ёт нэматыр пылыщма ул вос ёмталас, ты колыт комиссиян пуссын уральтым ѓщвёсыт. Няврамыт сākкон щирыл ўргалан кӯщай хум Иван Морозов ѓвыл лāтың лāвыс. Тāн сыресыр лагерит хан-сум нэпаканыл ло-

виньтыяныл ос рӯпи-тан мāнаныл пуссын ёмщакв сунсыяныл. Лйль вāрмалит хōнтэ-гыт ке, тāнаныл тāра щёпитаңкве лāвияныл. Тьи тэнут пāйтнэ ко-лыт ёмщакв щёпитым вос ѓлэгыт, пусмал-тахтын колыт эрнэ тэрпи вос ѓныщёгыт. Тувыл няврамыт рӯ-пата вāрнэныл сьс маснутыл ос тув эр-мыглан пормасыл вос майлавет. Сāv щёс тā-нанылн рӯпитаңкве ѓс ат рōви. Ос рӯпитам хōталаныл «трудо-вой» нампа нэпакн хансым вос ѓлэгыт.

Роспотребнадзорт рӯпитан хōтпат тэ-нутыт, айнэ вит акваг уральтым ѓныцияныл. Няврамыт лагерьн щё-питан справканылт āгманыл лēккарытн мākыг вос хансавет. Тōват матхурип тэну-тыл тыттуңкве ат рō-вёгыт, пуссын ты ѓвыл-тыт щāнь-āщаныл ѓс

вос вāгыт ос лāтың хўлтэгыт. МЧС пāлыл лагерит нāйпос минэ кёрквāлгыт акваг сун-савет, нāй харыгтан утыт ост вос ѓлсыт ос ёмщакв вос рӯпитасыт.

Тувыл таи лйлиг ѓлыглы, ань няврамыт ят манос тўрыт пув-луңкве воратэгыт. Кā-сың туи хотты нявра-мыт щаквыт порсэгыт. Тамле накыт воссыг ул вос ёмталасыт, тот ёр-пиным рӯпитаңкве эри.

Ань тēлат пуссын уральтым юи-пāлт 70 сāvит сāvсыр лйль на-кыт осн-патсыт. Ты-гыл 38 тēлат ёмщакв ханищтаветыс ос тот 19 пуңкотнэ хōтпат лйль вāрманыл мāгыс сутытавет манос олн ойтункве лāвавет, 15 элумхōлас тēланыл ём-щакв вāрнэныл мāгыс хўлтыглан лātңыл хас-вёсыт ос 6 тēлат палт кӯщайт халанылт иң воритотэгыт.

Тамара МЕРОВА

Сас юнтуңкве ос тер толтуңкве атхатыгласыт

Ханты махум олнэ манылт, Ямало-Ненецкий автономный округ Шурышкарский районт, шаквшин махум акван-атхатыгласыт, тан фестивалыныл «Земля Мастеровая» лавияныл. Тот Ханты-Мужи павылт «Живун» намба музей варим олы. Тув ань хотыт щес мащтыр махум вовыглавёсыт, хум хотпат тер варнэ кол унттысыт, кур варсыт, нэт колала пантнэ сас щёпитасыт ос юнтсыт.

«Живун» намба музей ханты махум олнэ павланылт варим олы. Тот хультум това пёс колыт музей нупыл хасвёсыт ос тан ань ўргалым оныщавет. Тэлы кол, туи кол, ампарыт, наив анят, ты коньпал хўрум ёрнкол тўщтым олэгыт, пўрлахтын ма варвес. Тот нётнэ Ас я ватат шар пёс холыт олым павылкве ўнлы.

Шаквшин вармаляныл урыл ам районный музейт кўшаиг олнэ нэ Анна Брусницына ёт потыртасум. Анна Геннадьевна тох лавыс: «Ман хотыт щес ты фестивалин мир акван-атыглэв. Сат хотал сыс махманув матыр мащтырлэгыт. Ты тал ман тер толтын ос терныл савсыр эрнэ утыт

варнэ кол унттуңкве таңхёв. Тамле кол тыт Ямал мат пёс йис порат олум. Археологыт тисхатманыл порат ма ёлы-палт таве хонтсаныл. Кол ваим, партанэ хот-сайсыт ос мат ёмщаквег иң хашхатсыт. Тув сунсым мана яныт, мана карсыт — тав послувес, ань ман акв тамле кол тах унттэв. Ос тер ысылтан кўрыт хумус варвёсыт, ман Ханты-Мансийск ўсныл Вячеслав Кондин вовыслўв, тав варитэ. Тан округанылт «Торум Маа» музейт тамле кўр оныщёгыт, ос Вячеслав Юрьевич варыстэ. Ман мавт тамле хотпа ат хонтсўв».

Пёс порат тер варнэ хум сака янытлавес, тав най ёт ос исум тер



В. Кондин кўр вари, хумыт кол унттэгыт

ёт рўпитаңкве хасыс. Ты рўпата ат варыглам элумхолас номсы, ты кўпнит вармаль ос касың рўпатат сав мўтра ваңкве эри. Нас тэнэ найт тер таяныт вагыл ат ысылы, та кастыл варнэ кўрущ щирыл «горн» лававе. Кўр яныг ахвтасытыл пуврыг пинаве, сэй рактыл аквёет тэлыгтым пощгаве, котилыт ас хультуптаве, тув лылыёпыл пувлын ут най лумщалтан магыс варава, тав ос «меха» лававе. Таил пувлым кўр нае сака исумыг ёмты, тащир тер тақыщ ысылтаңкве рови. Пёс йис порат тох касай терыт, саграпыт, мот эрнэ утыт тант ратсыт.

Тер ысылтаве ос хумус эри, терщакыл ратаве. Тамле колыт пёс йис порат ати норкол холыт унттымат. Тан нор партыг сылсыт, тамле кол терсолил ат ратвес, партыг акван-пастувёсыт. Ань музейт хумыт норыт ос партыг сылсаныл, тащир кол унттысыт. Кол тивырт колканэ сэйл хартвес, ма колкан вос олыс. Най манос исум тер ёл те паты, колкан нох ат пёламлаве.

Най лумщалтан ут (меха) Анатолий Тогочев, Мужи павылт олнэ хум, варыстэ. Овлэт партнылт тит ломтыг сартыс ос тэнатэн эрнэ янытыг варсаге, катпувнутыл



Р. Накова



Л. Рязанцев



А. Тогочев

сәграшласаге. Тувыл ты тит пәртыг халн осың сов мәнә тёрсолитыл ратыс. Тёрсолит ос такви тёрсайтыл яктыс. Тамле пёс пувлын ут Мужи павыл музейт оныщаве, хум тув сунсым акв тамле ут мащтырыг вәрыс. Тувыл мощ яныгнув пувлын ут ос мәнәлатнув хум Леонид Лонгортот тав вәрыстә. Кол ўнттым лов арыгтем хум хөтпат рүпитсыт, тән пуссын мащтырыг сәгырхатсыт ос хумус эри, пәртсылсыт, норыт сартсыт.

Йис нотыт хөнттым кол хуньт сәсыл пәнттым олум. Ань таимәгыс әкват колала пантнә сәс щёпитасыт. Прасковья Александровна Артанзеева Ямгорт павылныл тув ёхталас, тав нә хөтпат халт ты рүпата вәруңкве хәсы ос матыр-әти вәг. Тав пөхатәт акваг Роза Накова рүпитас. Роза Тимофеевна мәнәлатыг кос олы ос маныр, хумус вәраве, пуссын вәг, такви вәруңкве хәсы, мөт нә хөтпат тән хүлтыгласанән, рүпатал суссылтасанән.

Ам нә хөтпат ёт ос сәс пәлыт хот-сыстамтасум, хот-халюптасанум. Нилах-атах сәс пәл акв тармыл пинәв, та тивырн хаслы лөмт ос таширыл акван та сөхтиянув. Сәвнунв сәс хот-сыстамтәв ос акван-сөхтым сәсыт яныг пүтын пайтуңкве тартынув. Яныг пүтыт исум вит олыс, тув өвләт Прасковья Алексеевна хаслы, солвалың сорх хүл ос пөлям хүлюм-хүл тартыс. Та юипәлт ущ акван-сөхтым сәсыт таратасаныл, нумыл хаслыл лап-пинсаныл ос алал лап та пәнтсаныл. Тох әт пәлыт пайтуңкве эри, най тәкыщ пәлтыглаңкве ат эри, пүт ләшдаквөг вос пайтахты.

Колала пантнә мәгсыл сака сәв сәс эри. Акв лөпс хүрум пис акван-юнтаве, тувыл тит пис

сәсыг ос акв нумпалын юнтавег, тох хөт пис сәсыг та ёмты. Ты хөт пис сәсыт ос акван-юнтавег, тох яныг лөпсыг та ёмты. Хум мәхум коланыл әстум мус нә хөтпат колала пантнә сәсаныл ос та әстыс. Сәсыт колалан тёрсолит ат рәтавет, өвләт ошща йивыт пинәгыт, та нумпалын сәс лөпыс, нумыл ос сырыл тынылтыяныл.

Овыл хөталт Хальүс район Тәк павылныл Леонид Дмитриевич Рязанцев рүпитаңкве тув вөвиньталвес. Тав сәв тәл сыс тёрныл, анох-тёрныл сәвсыр хорамыт овумлапты. Ты ойка мәнәлат мәхум ханищтаңкве ёхталас. Юн өлнә пәвләт рүпитан кастыл кол оныщи, тот тёр овумлапты, ты кастыл рәкт хурит вәри ос тослы.

Ханты павылт тав өвләт рәкт хурит вәруңкве хумыт ханищтасанә. Анохтёр хумус исылтаңкве эри, щәлгыг вос ёмты, тув сөсуңкве вос рөвыс, тәнаныл хүлтсанә.

Пёс порат хумыт эн-тапаныл, нәврам апат, нә хөтпат тучаңаныл тамле хорамытыл, атуитыл тагатасаныл, хорамтасаныл. Ань тамле атуит вәруңкве пат ты ойка хәсы, таимәгыс тав тув ты вөвиньталвес ос хоса рүпитаңкве ат алымас, мөтыт хөтал пәвлән минас. Тот Хальүс янытлан хөталн күщайтын вөввес.

«Мәщтыр мәхум мә» нампа фестивалыт мәхум сака ёмщакв рүпитасыт, кәсың этипәлаг ос потыртаңкве акв колн атхатыгласыт. Акв этипәлаг мөйтыт, пёс потрыт урыл потыртасыт, эргыт эргысыт. Тув Мужи павылт өлнә ойка Иосиф Никифорович Куртямов вөвиньталвес. Тав ханты мөйтыт мөйтыс. Галина Гавриловна Артанзеева, Ов-



Әкват сәс пәлыт акван-сөхтәгыт



Пайтым сәс састумыг пинәгыт



Пайтым сәс нөх-выгыт

горт павылныл өлнә нә, пёс эргыт эргыс.

Мөт этипәлаг Надежда Михайловна Талигина, кәтыл хурит пөс-лын нә, Тәк павыл хум мөйтә урыл потыртас. Ты потыр тавән хуньт Ева Шмидт мимтә. Хунь тав ловиньтаңкве патыстә, насати татем ёмщакв хансым өлнәтә. Тот өлнә ханты мәхум ләтңаныл сака ёмщакв вәганыл, халаныл туп ханты ләтңыл потыртәгыт, таимәгыс ам тәнаныл төва порат ат торгамтасанум, ат вәглум, маныр урыл ос потраныл олыс.

Ямалн мән округныл тит нәг ёхталасыг, ты Ольга Леонидов-

на Тасьманова, Касум павыл нә, ос Людмила Васильевна Туполева, Полноват павыл нә. Тән ләвөг, матьёмас ёхталасыг, яныг әкват сәс пайтуңкве, сәсыт акван-юнтуңкве тәнатән ханищтасагән. Ань юн мөт мәхум ханищтаңкве тах вөрмөг. Ам ос амти самагумтыл суссум, амти нётсум, ань вәглум, ёрнкол сәс юнтнә мәгсыл сака сәв сәс нуюңкве, пайтуңкве эри, акван-юнтсын порат ос тәрвитың, капрон сәтапыл кәтанув хот әл яктысанув. Тох ты пёс порат нә хөтпат сәс щёпитасыт.

**Галина
КОНДИНА**

Йильпи сакконыт урыл

Государственный Дума депутат нэ Татьяна Гоголева ёт хонтхатыгламмёнт кит йильпи сакконыт урыл потыртасмён, тав лавыс: «Российский Федерацият хаништахтын вәрмалы урыл» саккон мән хон мавт олнэ республикат государственной латңыт ос мот мирыт щань латңаныл хаништанёныл магыс йильпииг мот щирыл щёпитавес.

«Хаништахтын вәрмалы урыл» саккон сунсыгламанылт щань латңыт хаништан магыс ёмаснувег вәрвес. Касың исколат ныврамыт учебный план хосыт хаништахтёгыт, тав кит пал оныщи, яныгнув палёт мән мавт магыс эрнэ аквхурип хаништан предметыт олэгыт, мәннув палёт касың искола такви пёрийи ос хансы, манхурип предметыт хаништанкве. Щань латңыт магыс эрнэ предметный палыт ань олэгыт, ати пёриян мат. Ань та мат, хот щань латың хаништан вәрмалы мот щирыл вәрима, йильпи щирыл воруңкве эри.

Ты саккон щёпитан порат щань латңыт хаништан магыс хон мав нётмилэ ёрамтавес, тамле так латың пирмайтавес. Щань латың хаништан магыс нётмил вәрнэ Фонд щёпитаве, Луимат олнэ сассаң мир латңаныл олныл нётнёныл мак эрнэг ловиньтаве. Государственный Думат лавим щирыл, ты Фонд Российский Федерация Президент палт эри воруңкве, таи ос сунсыглалуңкве эри, мән хон мавт сав танки хурип мирыт олэгыт.



Маньщи латың хаништан нэпакыт

Российский Федерация Правительства лавима, щань латың хаништан хотпат хаништанкве овылтаңкве, щань латың хаништан концепция щёпитаңкве, ос мак яныг вәрмалы — 2019 тал кастыл бюджет сунсыглан порат щань латың хаништан нэпакыт таратан магыс олн тастуңкве эри.

Югра мавт щань латың хаништан хотпат юи-овыл хус тал ат хаништавет. Ань ныврамыт щань латңын хаништан хотпат савыңпалёт яныглатыт, пенсиян квалнэ янытат манос пенсият олэгыт. Российский Федерацият олнэ мирытныл туп 7 мир латың хаништан нэпакыт щёпитан магыс Федеральный перечнин хансымат (Россия мавт 277 савсыр мир латың олы), савитаныл мощща сассаң мир латңыт хаништан нэпакын тув ат хансымат.

Маньлат махум ос хаништап округ Департамент 2018 талт «Просвещение» издаательства ёт исколат хаништахтын мән ныв-

рамыт магыс маньщи латың хаништан нэпакыт ос программат щёпитасыт. Номсыкёмт, сукыр этпос Овыл хотал кастыл исколатын ты нэпакыт тотавет, Россият олнэ савитаныл мощща сассаң мирныл Федеральный перечнит мән шар овлёт патэв тах».

Государственный Думат юи-овыл хурмит щёс «Яныгщ ўргалан ма-вит урыл» («Об особо охраняемых природных территориях») саккон сунсыглавес. Ты саккон хосыт яныгщ ўргалан мат нас вoryг ловиньтан магыс манос колыт ўнттын магыс ат рёви хот-виңкве. Яныгщ ўргалан мат савсыр порс сасантаңкве манос порсум ўйхул мән хилуңкве ат тартаве, каснэ магыс колыт ўнттуңкве ос ат рёви.

Ты саккон хосыт та коныпал сассаң мир магыс ёмас вәрмалы вәрвес. Тан лўимат яныгщ ўргалан тамле мат олуңкве вёрмёгыт, нэматыр нэпак ты ма-вит кўщайтныл вёвуңкве ат эри.

«Ты саккон щёпитан

порат мән А.А. Максимов, Государственный Дума депутат, В.С. Зганич, Совет Федерацият хотпа ос мот депутатыт ёт эрнэ латың кётыглалсув, сассаң мир тамле яныгщ ўргалан мат ты ма кўщайт ёт аквёет пуңктуңкве ос олуңкве вус вёрминувыт, танки магсаныл воряяңкве, хул алышлаңкве, пил ватуңкве, лыхыс атуңкве, мот хон мат сассаң мир магыс тох вәрим олы. Ос РФ Президент поручениянэ (22.04.15 № 729-Пр) хосыт савитаныл мощща мир яныгщ ўргалан мән сав щёс ос хосан нас ёхталалуңкве вёрмёгыт. Саккон щёпитан рўпата кўпнит ати — ты рёгтыглан мус воращлэв, тувыл ос номсахтым, мот хотпат ёт номтанув акван-патнэ, касащан вәрмалы хонтэв. Мән това эрнэ латңанув ат пирмайтавёсыт, хотшуртумтавёсыт, номсыкёмт, ты элалы олнэ ос вәрнэ тэлат тах», — Татьяна Гоголева лавыс.

**Альбина
СТАНИСЛАВЕЦ**

СУЛТУМ

Искорка

Лянтор үст өлнэ пыгрищаквег

Сургутский район Лянтор үст Вячеслав ос Ярослав ягпыгыг өлөг. Тэн омагтэн Вера Ивановна Кондратьева, ты ханты нэ такви щань латңе ёмщакв вагтэ. Сосса мир ялпың хоталыг ылыглан порат тав акваг ханты латңыл нётнэ эргыг эрги. Тав ныврамаге анумен тэнки урент мощ потыртасыг.

Вячеслав аквхуйплов талэ төвлыс. Пыг ты порат хотыг классын минас. Сартын тав ёнгын колн ялантас. Тот барабаныл ратуңкве ханищтахтас. Аквматнакт ты вярмалъ щирыл тав касылт касыс. Тэн учителентыл ёт койп ратнэ суй вярсыг. Ты вярмалъ суснэ мирн сака пумащ олыс.

Ань Вячеслав үст яныг колнакт өлнэ пувлынколн яланты ос мот савсыр касылыт такви магсылэ вәри. Пыг школат ёмщакв ханищтахты. Тав математика



Вячеслав

предмет эруптытэ, номтың пыгрищиг яныгми.

Ярослав ос хот талэ төвлыс. Тав мань ныврамыт колн яланты. Мотынтыг уц школан мины. Пыгыг омагён-агягён ватихал ворн тотыглавөг. Тан аквёт пил ватёгыг,



Ярослав

ләхыс атёгыт ос нас үщлахтым ворт ёмыгтёгыт. Ныврамыг омагтэн ханты латңыл потыртаңкве ханищтавөг. Ань төва латңыг мощ торгамтэг. Эрың, хуньт ёмщакв потыртаңкве патэг тах. Тамле ты ёмас пыгрищиг мань үст өлөг.

Братья из Лянтора

Два брата Вячеслав и Ярослав Кондратьевы проживают в городе Лянторе Сургутского района. Мальчики с удовольствием рассказали, с какой пользой они проводят своё время.

В этом году Вячеславу исполнилось одиннадцать лет, в семье он старший, сейчас учится в шестом классе. Некоторое время он занимался в музыкальной школе, играл на ударных инструментах и даже участвовал в конкурсе. Они совместно с учителем сочинили музыкальное произведение «Зов хан-

тыйского бубна», за это получили призовое место.

Сейчас Вячеслав активно занимается спортом, ходит на плавание. В школе учится очень хорошо. Любимым предметом является математика. Младшему братику Ярославу в этом году исполнилось шесть лет, он ходит в детский сад. На будущий год пойдёт в школу.

Братья часто ездят с родителями на природу, вместе собирают грибы и ягоды. Ребята очень любят оленей, и поэтому часто ездят отдыхать на стойбище к своим родственникам.

Маму зовут Вера Ивановна

Кондратьева, она по национальности ханты, с детства знает родной язык и исполняет песни на хантыйском и русском языках, является неоднократной победительницей различных музыкальных конкурсов и фестивалей.

Дома мама с сыновьями разговаривает на хантыйском языке. Сейчас некоторые слова они уже выучили, и может быть, когда-нибудь они будут владеть им в совершенстве. Такие замечательные ребята проживают в небольшом городке нашего округа.

Николай МЕРОВ

Мот туи мус үрхатэгыт

Ханты-Мансийскат ӧлнэ «Тӧрум Маа» музейт туи сыс китынтыг «Тӧксар махум» намба хаништап вӧрыглавес. Тот нӧврамыт вӧрт ӧлнэ накытн хаништавӧсыт. Ань сӧвсыр тӧлат урыл тӧнанылн Анатолий Николаевич Брусницин потыртас. Тав ӧнумн лӧвыс:

— Ты смена в ӧйттур ӧтпос 20 щисланыл 24 щисла мус рӧпитас, тыг сӧтхуйплов нӧврам ӧхталас. Тӧн сӧвынпӧлӧ пуссын ты ӧст ӧлӧгыт, тӧва нӧврамыт ӧсувн мӧйлункве ӧхталӧгыт ке ос мӧн палтув то-тыглавет. Ам нӧврамыт вӧрн ӧт-тотыглан хӧрыгн маныр тув пинаве, пуссын ӧрнӧ пормасыт тув щӧпитанкве хаништасанум. Арыг ут тув ул вос пинӧгыт. Вӧрт хот ул вос тыпсыт, лӧнхыт тӧра-паттын пӧсыт вос вӧгыт, нӧй пӧламтаңкве хаништахтасув. Тувыл акв хӧталт аквӧт хӧлуп хассув, мӧт хӧталт ӧвт вӧрсув. Хотьют матыр вӧрункве ат хӧсы, нӧтыанум. Вӧрт сӧвсыр ӧгм пусмалтан лӧптат яныгмӧгыт, таит хӧлтсанум. Нӧврамыт аква пӧмшалахтӧгыт, китыглахтӧгыт.

Юи-ӧвыл хӧталт хӧл исмит пӧйтсув, ӧвлӧт

хӧл яктысув, тувыл пӧтн пӧтсанув. Тыи мӧлхӧтал ӧтипӧлаг хӧл алышланкве ялсум. Нӧврамыт мӧт мӧн тотыгланкве мори ат тӧртавӧв, ань кӧщит сака сӧв ӧрнӧ нӧпак кинсӧгыт. Таимӧгыс тӧн ӧтаныл акваг «Тӧрум Маа» музейт рӧпитӧв.

Тувыл ам акв пыгришакве ос ӧгиришкве ӧт потыртасум, тӧн таи лӧвсыг:

— Ам намум Дамир Муртазин, ӧнумн сӧт тӧл. Ам Оренбург ӧсныл тыг ӧхтысум, ань ты ӧст ӧлункве ос хаништахтункве патӧгум. Тыт нӧй пӧламтаңкве, хӧлуп хасункве, ӧвт вӧрункве хаништахтасум, нас ӧнгасасув. Тувыл мӧныщи ос ханты махум ӧлупсаныл ӧвылтыт сӧв вӧнкве патсум, тӧн ӧтаныл тыт вӧйхатасум. Ань ты урыл амки рӧтанумн ос юртанумн потыртӧгум тах.

— Ам Лиза Исламгалиева, Ханты-Мансийск



ӧст ӧлӧгум ос нилыт школат хаништахтӧгум. ӧнумн тыт сака пӧмыщ ӧлыс, ты ӧлы-пӧлт аты вӧслум, хумус нӧй пӧламтаңкве рӧви, палатка тӧштункве, тувыл маныр ӧрнӧ пормасыт вӧрн ӧт виңкве ӧри. Мӧн вӧрн тотыглавесув, тот лӧптат, лӧхсыт, пӧквыт атсув. Тувыл кӧсың хӧтпа таквинатӧн ӧвт вӧрыс, ам ӧвтум вӧрмумт

хот-сакватаслум. Тувыл Анатолий Николаевич такви ӧвтӧ ӧнумн мӧйлуптастӧ. Юи-ӧвыл хӧталт атын хӧл исмит пӧйтсув ос тӧсув.

Тыт сака пӧмыщ ӧлыс, сӧв ӧгиришит-пыгришит ӧт юрщхатасум. Мӧтыт тӧлт омамн лӧвӧгум, тав ӧнум ос тыг вос тотыглытӧ, акв тамле вӧрмалит ам сака урункве патыанум.

Будут ждатель смену до следующего лета

На площадке этнографического музея под открытым небом «Тӧрум Маа» состоялась вторая смена интерактивного образовательного проекта «Тӧксар махум». Навыкам выживания в лесу детей обучал научный сотрудник музея Анатолий Николаевич Брусницин. Чему научились мальчишки и девчонки, об этом он рассказал:

— Во время работы второй смены с 20 по 24 августа обучалось 17 ребятишек. Занятия были классические, такие как сбор рюкзака, ориентирование на

местности с помощью старых способов и современных средств, также дети научились разводить огонь и как правильно тушить костёр.



Л. Исламгалиева котилът лӧбли

В методике изготовления ловушек мы немного изменили формат. Так как в прошлом году мы плели морду — старинную ловушку, то сейчас детей обучали вязать сети. Изготавливали орудие охоты — лук и стрелы. У кого не получалось, помогали, подсказывали. Изучали растения, рассказывали какими полезными свойствами они обладают. Ребятам варили уху из рыбы, что поймали той сетью, которую мы сами сплели. К сожалению, на рыбалку не можем вывозить детей, в связи с тем, что нужны необходимые согласования и разрешения на их транспортировку.

К нам приходят в основном городские

дети, но есть ребята, которые приезжают к родственникам в гости и они с удовольствием приходят к нам.

Об отдыхе на природе рассказали и сами дети.

— Меня зовут Дамир Муртазин, мне семь лет. Я приехал из Оренбурга, но буду здесь жить и учиться. В лагере мне очень понравилось. Я теперь знаю, как разводить костры, как ловить и разделывать рыбу. Об этом я расскажу своим друзьям. Я здесь познакомился с культурой коренных народов, и подружился с ребятами ханты и манси.

— Я, Лиза Исламгалиева, учусь в четвертой школе. Мне здесь очень понравилось, было интересно узнать, как выживать в при-



Д. Муртазин

родной среде. Мы научились разводить костёр, собирать рюкзак, строить палатку. Нас водили недалеко в лес, и мы могли там собирать ягоды, грибы и кедровые шишки. Сегодня мы разделывали рыбу и варили уху.

Ребята в лагере дружные, всем было здорово, мы хорошо прово-

дили время. Делали лук и стрелы, у меня, правда, он сломался, но мне подарил свой лук Анатолий Николаевич. Я теперь хочу сказать маме, чтоб она меня на следующий год снова записала в этот лагерь, и с нетерпением буду ждать следующего лета.

Тамара МЕРОВА

Ягримт щань латың ханищтаве

Ягрим павылт рупитан творчество колт няврамыт ат тал маньши латың ханищтэгыт. Агитпыгыт щань латыңлы потыртаңкве Зоя Алексеевна Мелентьеван ханищтавет. Тав лавыс, кружок рупитанкве хунь овылтахтас, няврамыт тув ялуңкве сака ат кәсашасыт. Ань тув 8-10 няврамыт ханищтахтункве ёхталэгыт. Зоя Алексеевна агитпыгыт ёнгалтым ханищтыанэ, тыммагсыл тананыл тув ялантанкве пумащ. Маньши латың ванэ

няврамыт савсыр касылн танки рупатаныл кетункве вермегыт. Ты тал маньши редакцияв «Север мой» нампасыл варагылас. Округут олнэ агитпыгыт рупатаныл манавн кетыгласаныл. Ягрим няврамыт ос касылт, Макар Мелентьев стих ёмашакв потыртаме магсыл кытыт места вис. Маньши редакцияв рупитан махум, та павылт олнэ няврамытын паща латың кетэв. Ос Зоя Алексеевна Мелентьеван яныг пумащипа латың лавэв, тав ёрнэ рупата вәри.



З. А. Мелентьева няврамыт ётпослым олы

Изучают родной язык

В Игримском центре творчества пять лет работает кружок мансийского языка, которым руководит Зоя Алексеевна Мелентьева. Педагог говорит, что с начала ребята не проявляли особого интереса к изучению мансийского язы-

ка, но она сумела их заинтересовать. Сейчас кружок посещают 8-10 детей. Все занятия проходят в игровой форме, так они быстрее запоминают слова. Сегодня у детей появился ещё один стимул для того, чтобы научиться говорить на

мансийском языке. Ребята могут участвовать в окружных конкурсах, которые проводит Объединённая редакция национальных газет «Ханты ясанг» и «Луима сэрипос». В этом году редакция организовала окружной конкурс «Север мой». Дети из Игрима приняли в нём активное участие, а Макар Мелентьев занял второе место в номинации «На лучшее

выразительное чтение произведений мансийских поэтов». Хочется выразить слова благодарности ребятам, участвовавшим в конкурсе, а также сказать большое спасибо Зое Алексеевне, за то, что она привлекает детей к изучению родного языка и прививает любовь к мансийской культуре.

Людмила
ТЕТКИНА

Ам ӧлнэ макем

Касың хӧтпа сымын рӧвнэ ма ӧнӧщи, ӧлнэ матэ ӧвылтыт эрпы-ңыщ потырты.

Ам маӑсылум тамле ма Нӑрихумит маӑн павылкве ӧлы. Тав хорамың Ас я ватат ӧнлы, маӑнщи латӑыл лававе — «нуса махум». Павылкве сака хорамың мат ӧлы.

Хоталь ат аӑкватӧгын, касың мат акваг яныг вӧркве, я ватат ос хара пумканыт — ты пуссын Тӧрум макем. Тӧлы порат тыт вӧтихал вӧтасыг ос сака яныг ащирмаг ӧмталы. Тӧрум макем аквтуп тӧлы ӧлумн та ӧхтаве. Сав ӧр ӧӑнэ ӧльпат, аквтуп Нӑй-Ӧтырыт, тӧйтӑн кӧнтӑт пиным лӧлӧгыт. Вуйкан хӧльквет, аквтуп маӑнэ, хорамың супыл масхатым та лӧляхӧлӧгыт. Туи порат маӑн тыг пил вӧтуӑкве ос лӧхс атуӑкве ялантӧв. Лӧлиӑ вӧркве



аквтуп павыл пӧхат лӧли ос вӧтныл маӑн павлув таӑкыщ ӧргалытӧ.

Тыт ам колум, ам колтаӑглум. Ам ащӧйкам наме Николай Евстафьевич Урванцев. Тав Октябрьский район Кеушки павылт самын патыс. Ам ащӧйкам нӧпак ловиньтаӑкве сака ӧрупты ос хӧл алыщлаӑкве, вӧраяӑ-

кве яланты. Тӧва порат аӑнум ӧт выгтӧ. Тав стихотворениет ос савсыр потрыт, хансы. Таӑнаныл ам сака ӧруптыӑнум. Тӧват ам номиянум.

Аквматнакт мӧн хӧл няслуӑкве ялсумӧн, тӧнт тай наскӧссыг хӧтал палыт та ӧнлысмӧн, нӧматыр ат пувсумӧн. Ты щирыл ащӧйкам

пӧмаш стихотворение номылматас.

*Хӧлкве, наӑ хӧт, ау, ау —
Нӧматыр ат*

*торгамтӧгум!
Мӧлхӧтал ты ӧлсын,
Ань аквтуп ма ӧлы-пӧлн
ӧл-раӑпысын.
Сорт хӧл аӑтим,
хулюмхӧл аӑтим,
Наскӧссыг вӧрмалы тӧл
ӧнлымӧн.*

*Воссыг налув ат
минимӧн —
Сыртап тӧим ӧлымӧн.*

Ащӧйкам ӧкружной конкурсыт ӧлыглан порат тув потранэ кӧтыглы.

Маӑн павлувт ащӧйкам ӧруптаве, тав вӧщкат, кӧминьт сымпа хӧтпа ос нӧмхотӧютн лӧль ат вӧри. Ам таве китыгласлум: «Ащӧйка, наӑн ты павылт ӧлуӑкве марщум аӑти?» Тав аӑнум лӧвыс: «Аӑти марщум. Хӧт ам ӧлнэ маӑм, тот ам сымум ос лылым ӧлы. Ам сымум ос лылым — ты ам Нӑрихумит павылквем».

Моя малая Родина

У каждого человека есть родной уголок на Земле, о котором невозможно говорить без любви.

Для меня таким уголком является маленькая деревенька Нижние Нарыкары. Расположилась она на живописном берегу Малой Оби. Название деревни переводится с мансийского языка — «бедные люди». Деревня очень красивая.

Бескрайние леса, речные долины и мелколесье у болот создали в родном краю чудесные пейзажи. Зимой здесь часто бушуют метели, свирепствуют морозы. Вся природа погружает-

ся в зимний сон. Могучие кедры, как богатыри, стоят, нахлобучив снежные шапки. Белые берёзы, словно невесты, в кружевном убранстве. Летом мы ходим собирать грибы и ягоды. Лес стоит плотной стеной и защищает деревню от сильных ветров.

Здесь мой дом, моя семья. Моего деда зовут Николай Евстафьевич Урванцев. Родился он в деревне Кеушки Октябрьского района. Мой дед читает много книг и очень любит ездить на рыбалку и охоту. Иногда берёт и меня с собой. Также он пишет стихи на разные темы, рассказы

и басни. Его стихи мне очень нравятся. Многие я знаю наизусть.

Однажды мы с дедушкой ходили на рыбалку, просидели с удочками целый день, но так ничего не поймали. На этот случай дедушка сочинил шуточное стихотворение «Рыбка»:

*Где ты, рыбка, ау-ау —
Ничего я не пойму!
Только вот вчера
ловила,*

*Как сквозь землю
провалилась.*

*Нет ни щуки, ни язя,
Только тратим время зря.
Не пойдём больше*

*на речку —
Будем кушать рис
и гречку.*

Дедушка принимает активное участие в ӧкружных литературных конкурсах: «В гармонии с природой», «Быть добру», «Моя судьба — Югорский край».

Моего дедушку в посёлке все уважают, потому что он надёжный, добрый, и никому не желает зла. Я как-то спросил его: «Дедушка, а тебе не скучно было прожить всю жизнь в нашей деревне?» На что он мне ответил: «Нет, не скучно. Там, где моя малая Родина, там моё сердце и душа. А моя душа и сердце — это моя родная деревенька Нарыкары».

**Сергей
НЕМАЛЬЦЕВ,
Нижние Нарыкары**

ХАНИЩТАП

Ййквыт ос эргыт пұмщалэгыт

Касың павылт акв-кит хōтпа ōлы, тән махум ōлупсаныл пұмышнувет вәрияныл, кас тотэгыт ос ōлнэ мананыл элалъ вос ялты, нйврамыт савсыр тэлатн ханищтыяныл. Акв тамле нэ урыл ам нанан хансэгум. Тыи Инна Сергеевна Бринстер, тав Кондинский район Шугур павылт самын патыс. Анъ хōт рупиты, маныр вәри, ты урыл нэ такви манава н потыртас.

— Ам Шугур павылт школа кұшай ваңын нэг рупитэгум, тот нйврамыт ханищтан ос янмалтан вәрмаяныл уралтыяным. Хус тал арыгкем ювле хультум порат «Шугуряночка» нампә ййквнэ кол вәрсум. Та сыс сав нйврам ййквуңке ханищтасанум, ōвил агит-пыгыт хосат школа асталыт ос мōт ұсытын ōлмыгтасыт. Вәим, саль, товат павлувн ювле ат эхтэгыт, хōт-ати мōт мат рупитэгыт. Ос мән школав асталм агит-пыгыт мән палтув ке щалтсэгыт, пуссын хот-щаттым ōлэв.

Нйврамыт ййквнэ колн 1995 талт атуңке патсанум, тōнт округ департаментныл мән школавт сосса махум пēs наканыл ялтуптаңке лаввесүв. Районувт янгыщ хōнтаң маңыщит ōлэгыт, ос тән щань латңаныл ёрувланке патсаныл. Тōнт павлувт хұрмахкем матум хōтпа

лāтың васыт ос воссыг нэмхотыют ат потыртас. Мән таимāгыс ййквыт ос эргыт ханищтаңке патсүв. Ты рупатам ōвилтамум порат ам Руслан Бринстер ōйкамн сав нётвесум. Тав тōнт школат рупитас, нйврамыт таксарыг ёмтнэ хōтпаг ōлуңке ханищтас. Мән аквёт матумпала хōнтаң маңыщи рутанэ палт ялантасмән. ōйкам тананыл сыресыр касылыт урыл китыгласанэ, ам ос ййквыт, эргыт пұмщаласум.

Школавт нйврамыт маңыщи лātңыл потыртаңке ханищтавет кос, тыи Сакв маңыщи махум потыртанэныл щырыл. Таи ёмас, тōнт мән палтув кит нэг рупитаңке ёхтысыг, тыи Валентина Ильинична Вахрушева (Яптина) ос Ирина Семёновна Шивторова (Хатанзеева). Тōн сас Саранпавылныл ōлнэ нэг ос Ханты-Мансийскат педучилище



Нйврамыт хōнтаң маңыщит маснұтыл масхатсыт

асталмән юи-палт Шугурн кётвесиг. Валентина Ильинична нйврамыт маңыщи лātңыл потыртан магыс сака сав рупиты. Ирина Семёновна агитрищит-пыгрищит сосса махум ōчнэ савсыр пормасыт вәруңке ханищты. Тувыл такви эргуңке ос сәңквылтапыл сәңквылтаңке ханищтахтас. Ты нэг нйвраманув ёт савсыр касылыт касэгыт ос нōх-патыглэгыт.

Ам амки рупатам вәрнэм порат хōт маныр ат торгамтасум, ханищтан савсыр хаштāl вәрмалит Саранпавыл искусства школаныл тара-паттысанум. Тувыл видеокассетат сунсылым нйврамыт ёт маңыщи ййквыт ййквуңке, эргыт эргуңке ханищтахтасүв. Ос ётыл та школаныл ёхталам нйврамыт манава сәңквылтаңке ханищтасаныл ос Герман Хатанзеевын сәңквылтапыл вәрвесүв. Мән Дмитрий Георгиевич Агеевын яныг пұмашипа лāтың лавев, тав рупататэ эруптан хōтпа. Нйвраманув таве хұнтлым пēs накыт элалъ пұмщаласаныл. Мән пуссын аквёт сыресыр касылытын ялсүв. Округ

янытыл манос мōт хōн мән нйвраманув ұшлахтуңке аквёт тотыглалсанүв, та сыс мәнки халувт ос ханищтахтасүв. Тōнт хоталь-ати сав мән ялантаңке вәрмысүв, тыи округ пāлыл сосса мирн нётмил вәрнэ комитетн акваг нётвесүв. Ханты махум ййквыт ос эргыт ваңке манава Мария Кузьминична Волдина ханищтас. Мән пēs мойтыт, потрыт тұлыглапыг щёпитыянув, манки тув эргыт, ййквыт вәрев ос ялпың хōталыт мұйлынэв порат суссылтыянув. Ёринэква ос Ворщик хōталыг ос вәрыглэв.

Нйврамыт ханты ос маңыщи маснұтыл юнтвеси. Мән, вәим, маснұтанув ос ййкванув янытёт сосса махум хурип ат ōлсыт, тән мōщ мōт щырыл сусхатасыт. Анъ павлың махум тәнки щань лātңанылт, ййкванылт, маснұтанылт элалъ пұмщалахтуңке патсыт, воссыг ат эссамтэгыт. Хōнтаң маңыщит пēs ōлум наканыл ул та сōймысыт, ос мән Тāгт, Лүсум, Сакв маңыщит нупыл сунсым ос нōх-вōрмалтаңке патсанүв.

Тамара МЕРОВА



Пыгрищиг койп рātэг

Ханты махум мүйлүңкве акван-атхатыгласыт

Вörтүр этпос 23-25 хоталыт Мегион үст «Хатлые» намба хұрмит фестивалы ханты махум мүйлүңкве акван-атхатыгласыт. Ань ты тал сасса махум Ассамблеят кұщай хум Еремей Айпин 70 талэ төвлыс. Ты ханты хум та маңыл олы. Таимагыс ты вәрмалы таве янытлан кастыл тот щёпиталвес.

Ты фестиваль хотал нэглин ерт өлнэ ханты хотпат хұрмит тал варагылэгыт. Мегион үс ляпат хусахкем вёрыстат «Югра» намба ўшлахтын ма щёпитавес. Тот мир магыс ўшлахтын колыт ўнттувёсыт. Та нётнэ ма котилыт «Поссен Лор» намба яныг тұр олы. Сургутский ос Нижневартовский районыгт өлнэ ханты рұт махум тот ты акван-атхатыглэгыт. Тән тот эргыт эргёгыт, мойтыт мойтёгыт ос амщит амщёгыт.

Овыл хотал Мегион үс музей-колт выставка щёпиталвес. Ты суссылтап «Төрүм Маа» округ музейт рұпитан махум тән варагласаныл. Ты кастыл Эрика Петровна Сургутскова тув ёхталас. Тав тот Еремей Данилович щёмьятэ ос олупсатэ урыл потыртас. Та хотал таве янытланкве сав махум атхатыгласыт. Овлэт колт сөс косамта-

вес. Махум ёмас номтыл вос олсыт. Нэматыр лёлө нак ул вос ёмтыс. Элалы өлнэ хотал посыңыг вос постыс.

Тувыл Мегион үс кұщай Олег Дейнека янытлан латың лавыс: «Югра мавт савсыр мырыт олэгыт, ман пуссын аквьёт журтыңыщ олэв. Ты тал хұрмит щёс фестиваль щёпитавес. Касың талныл савнүв мүй махум тыг ёхталаңкве патыс. Тыимагыс ам яныг пұмашипа латың Еремей Даниловичин лавёгум. Тав ты ялпың хотал элалы тотнэ магыс сав нётыс. Ос, ман номсэв, хуньт тав мирхал фестивалиг паты тах. Ань ёмас вәрмалы ёмтыс. Еремей Даниловичин сатлов талэ төвлыс. Ман пуссын аквьёт таве намхоталэтыл янытлылүв».

Ты коньпал кұщай хум «Югра» намба мавит ўргалан музейт рұпитан хотпатын яныг пұмашипа лавыс. Тән



мүй махум магыс сав эрнэ рұпата вәрёгыт. Касың хотпа нупыл сымыңыг олэгыт. Маныр эри, ёмшакв хұлтыяныл.

Еремей Айпин сасса мир олупса урыл сав нэпак хансыс. Ты ханты хум такви мэтэ ос мире урыл стихыт ос потрыт хансы. Тав вораан ос салыт ошнэ щёмьят самын патыс. Ханты йис олупса ос өлнэ-хүлнэ нак элалы тотнэ магыс сав эрнэ рұпата варыс. Округувт касың үст, павылт өлнэ элумхолас таве вагтэ манос тав урётыл хұлыглас.

Ань хум намхоталэтыл рұтанэн янытлавес. Нэг-хумыг Семён Александрович ос Любовь Николаевна Айпиныг

Новоаганск павылныл ёхталасыг. Любовь Николаевна лавыс: «Ам яныг щэгтыл тыг ёхтысум. Мён аквьёт рұпитам мён коньпал, ляпа рұтыг олымён. Савнүв тамле ёмас хотпа вос олнүв. Акван-нётхатым, журтыңыщ олупсав мұсхалыг щёпитылүв ос элалы тотылүв».

Еремей Данилович маңьтагыл ма-вит тармыл яныгмас. Матыр вәруңкве вуйхаты, пуссын ёмшакв, эрнэ щирл тэлы. Тав сака номтың ос мұтраң хотпа. Тав хансум нэпака-нэ Россият өлнэ мир коньпал мот хон мэт ос ловиньтавет. Ятил рұткве, сав тал пұстагыл элалы өлэн ос мирн



нётэн. Савнув апыг наң ляпант вос олы».

Семён Александрович лавыс: «Ам ягыгум Еремей Данилович нам-хоталэт ос сымыңыш янытлылум. Мән халувт ань тав шар яныгы олы. Ос сав тал пустагыл элалы олэн, щунен. Тав округ мирколт сав тал яныг кұшаиг рұпиты. Ты талыт сыс сав нётмил мирн варыс, ос иң элалы вәри.

Мән округувн хунь овыл щёс ма-вой нохвинэ хотпат ёхтысыт, тән савсыр мат рұпатасыт. Хот тананылн эрыс, тот лёңхыт та варсыт, манав шар ат хунтлысыт. Тувыл Еремей Данилович сосса хотпатн мананыл танки нупыланыл хаснэ магыс эрнэ нэпакыт щёпитаңкве нётыс. Тонт танки рұпата вәрнэ махум ма ломтаныл танки нупыланыл хассаныл ос «Родовые угодья» варсыт. Ань ма-вой винэ махум тән мананыл нупыл мори ат ёхтёгыт. Ляпат матыр рұпата вәрегыт ке, договор-нэпак хансёгыт. Тувыл ос китыглахтёгыт, хот рұпитаңкве рёви, хот ос ат рёви. Ты вәрмалы мұсхал щырыл шар мак Еремей Данилович тав ты щёпитастан. Тыимәгыс мән таве сака эруптылүв ос янытлылүв. Сөтың хумкве, акваг щагтым олэн. Аквтыхолыт элалы нётмил вәрим рұпитэн, мән ос хумус вөрмөв, наңын нётэв».

Тувыл ос экваг-ойкаг Павел Янчевич Айваседа ос Елизавета Даниловна Василькова потыртасыг. Овлэт экватэ лавыс: «Тыхотал Еремей Айпин янытлаңкве сав хотпа акван-атхатас. Тав мән щёмьявт пыгыт халт яныгы олы. Ам таве сака эруптылум. Ос сав ёмас потыр хансэн. Рұпатан кұпнитнувег вос олы. Маныр нётмил мирн варсын, та ёмас тэлан наң палтын ювле вос ёхты.

Округувт олнэ махум наң нупылын туп ёмас латың лавёгыт. Щёмьян, рұтанын ос юртанын ёт пустагыл олэн. Ос аквтыхолыт элалы мирн нётэн».

Та юи-палт вәпсэ Павел Янчевич потыртас. Тав тот атхатам мир ёт пашалахтас ос лавыс: «Ты тал хұрум ёмас вәрмалы олыс. Югра ма нэпакн хансым пәсныл ань онтоловсат талыг ёмтыс. Тувыл Нижневартковский районны онтырсат талэ ос Еремей Айпин сәтлов талэ төвлыс. Еремей Данилович 1948 талт лұпта этпос ват нупыл сатыт хоталэт самын патыс. Пес потыр щырыл, туи порат самын патум элұмхолас сөтыл пинаве».

Павел Янчевич лавме щырыл, Еремей Айпин маньлат порат Ханты-Мансийск үс педучилищат ханищтахтас. Сартын тот кұшаиг Георгий Тарасович Велико олыс. Тав ты ханты пыг ханищтахтын мән пирмайтас. Тонт пыг Нижневартковский районныл маньхапыл товим ханищтахтұңкве үсн ёхтыс. Тав вөр мат яныгмас, щёмьятэ нусаг олыс. Ты училищат ханищтахтын магыс таланэ иң ат төвлысыт кос, ос кұшай тох та тав вистэ. Ётыл Еремей классёт шар ёмашакв ханищтахтыс. Сака номтың пыгыг яныгмас.

Та хотал Еремей Данилович янытлан магыс, сәлың нэ Аграфена Семёновна Песикова, Нижневартоск үс общинат рұпитан мащтыр нэгхумыг Сергей Иванович ос Светлана Андреевна Хунзи ос Ямал маныл Вера Андреевна Рахтымова, ёхталасыт.

Рұт махум янытламаныл юи-палт «Югра» намба парк-музейт кұшаиг олнэ нэ Руслана Богдановна Галив потыртас. Тав Еремей Да-



Т.Алыбина, Э.Чюлюг, А.Наулайнен

нилович рұтанэ палт вөвыстэ, тавен сав янытлан латың лавыс, хорамың лұптал ос мүйлупсал мүйлуптастэ.

Тувыл махум потрыт хаснэ хум урыл выставка сунсыглым ёмыгтасыт. Тот Еремей Данилович ёт пәслым хурит ос хотал нэглын ёрт олнэ ханты махум маснутаныл, сәңквылтан нарс-юх суссылтавёсыт.

Та юи-палт музей-колт научный конференция олыс. Тот махум савсыр вәрмалы щырыл докладпотраныл ловиньтасыт. Пес йис мат туризм вәрмалы элалы тотнэ, щань латың ханищтан,

сәлыт элалы янмалтан ос мот тэлат урыл хоса потыртасыт.

Этипалаг пуссын мүй хотпат «Югра» намба парк-музейн ўшлахтұңкве тотвёсыт. Тот «Хатлые» ялпың хотал элалы олыс. Эстония маныл махум мүйлұңкве ос тув ёхталасыт. Мир кит хотал савсыр пормасыт мащтырласыт, мөйтыт мөйтсыт, ййквсыт ос эргысыт. Касың хотпа щагтым ювле минас. Ань мөтыт тал ты пұмаш вәрмалын ханты махманув ос аквты порат тот акван-атхатыглэгыт тах.

Николай МЕРОВ

Нә юнсхатуңкве ос щаквщункве хәсы

Мәньщи нә Зоя Петровна Тоголмазова, такви ӧпарищ наме Мони́на, Хальўс район Кульпас пәвылт ӧлы. Тав ӕтә ам Ягрим пәвылт ханищтап рӯпитам порат хӧнтхатыгласум. Тав мӧт мәньщи нӕт ӕт нуйсахи йинуңкве ос хорамыл юнтуңкве тув ӕхталас. Зоя Петровна пенсиян патхатас, ань сәвсыр ханищтапытын ялантаңкве ос мәньщи супыт юнтуңкве, щаквщункве патыс. Нә такви ӧлупсатә урыл мәньщи газета мәгсыл потыртас.

— Ам Куги пәвылт самын патсум. Пәвлум Кульпас ос Сортыңъя халт ӧлыс. Мәньщи щирыл Хохаң пәвлыг ләввес. Щәнягум-әшагум та пәвлыныл ӧлсыг. Тән сәт нәврам янмалтәлсӕг. Ам школат Сортыңъят ханищтахтасум. Сәтыт классын ялантамум порат Кульпасн ӧлуңкве вәнтлысӕв. Тӧнт пәвылт колхоз лап-пантвес, мәхум рӯпата тәл хулытсыт.

Нәлолов класс әстласум, Ханты-Мансийск үсн ми́на́сум, ләккарыг ханищтахтуңкве кусыгласум. Тӧнт агит-пыгыт экзамен щирыл ханищтахтуңкве вуйвәсыт. Ам ты экзамен ӕмашакв хассум. Тувыл список-нәпакт амки ӧпарищ намум ат хӧнтыслум, юв та ми́на́сум. Сӕкыр ӕтпос ӧвылтахам порат телеграмм-нәпакт ӕхтыс, Ханты-Мансийск үсн ханищтахтуңкве вӧввәсум. А́тям та ләвильтавем: «А́ги, намыл ләвсын, ӕрттам ханищтахтуңкве ат вуйвәсын. Яныг үсн минуңкве ат тахмаясын?» Насати, список-нәпакт ам ӧпарищ намум «Мани́на» хасвес. Ам хунь вәслум, училищат рӯпитан хӧтпат тох люльсаң ӧпарищ намум хас-саныл. А́тямн такос ләвыглавәсум, үсн вос минәгум, ам юв я́ртхатасум, ӕлаль ханищтахтуңкве аты ми́на́сум.



З.П. Тоголмазова

Ләккарыг рӯпитаңкве, улпыл, ат вәрмынувум, укол хумус тӕштәв, сунсуңкве пӕлӕгум, кәлп кәсалӕгум, а́латы ӕл-рагатӕгум, хумус мәхум пусмалтаңкве патнувум, тыммәгсыл тот ханищтаңкве ат тахмаясум. Ю́рт агим ӕт онтолов классыт ханищтахтуңкве Хальўсн ми́на́самән. Школа әстламум юи-пәлт ювле Кульпасн ӕхтысум, почтальоныг рӯпитаңкве патхатасум. Тот хӕрум тәл рӯпитасум, тувыл Тюмень үсн ханищтахтуңкве кәтыглавәсум. Та юи-пәлт Лӧпмус, Кимкъясӕй, Юильск,

Устрём, Тугияны ос мӧт пәвылкветн рӯпатам щирыл яласасум. Почтат рӯпитан хӧтпат үщлахтуңкве минәгыт, ам тән пентсыланыл акв ман кит ӕтпос рӯпитасум. Тох акв пәвылныл мӧт пәвылн та яланта-сум. Юильск пәвылт ӧйкам ӕт вәйхатасмән ос акван-минасамән. Тав ӕтә Лӧпмус пәвылн ӕхтысамән, тӧнт рӯпата щирыл тув кәтвәсум. Тувыл ӧйкам агмыл ӕмтыс, мән тав яныгмам пәвлән Ванзеватын вәнтлысмән. Ӗйкам хоса ат ӧлыс, а́тимыг ӕмтыс, ам ювле Кульпасн ӕхтысум. Интернатыт тә-

нут пәйтнә нәг рӯпитаңкве патсум. Пенсиян патхатнә мус интернатыт сәвсыр рӯпата вәрсум. Воспитателиг паттыглавәсум, нәврамыт мәньщи щирыл мәщтырлаңкве ханищтасанум. Мӧт хум вәрсум, ӧйкамәнтыл хӕрум нәврам янмалтасмән.

Ань апыгрищанум ӕт юн ӧлӕгум. Ат апыгрищ ӧнщӕгум. Яныг агим Анна́м Кульпаст школат рӯпиты. Нәврамыт мәгсыл сәвсыр касыл вәрыглы ос ялпың хӧталыт щӕпитәлы, рущ ләтңыл «педагог-организаторыг» ләваве. Тав Югорский университетыт ханищтахтас. Пыгум ӧс Кульпас пәвылт ӧлы, вӧраи, хӕл алыщлы, мӧт рӯпата пәвлувт воссыг а́тим. Мәнь агим Хальўст ӧлы, «Мотив» связь-колт рӯпиты.

Ань пенсият ӧлӕгум, Кульпаст ӧлнә нӕт ӕт сәвсыр ханищтапытын ялантаӕгум. Рӯпитамум порат мәньщи вәрмалянув нупыл тәлам а́тим ӧлыс, ань туп кихатуңкве патсум. Ту-выл пәвлувт пәс йис вәрмалит вәнә хӧтпа мощца, тыммәгсыл мӧт пәвылт ханищтапыт ке вәрыглавет, тув ялантәв. Ӗвыл щәс Саран-пәвылн мәщтырлаңкве ялсӕв, мәхум тот сәс ӕт рӯпитаңкве ханищта-вәсыт. Тувыл Хальўсн ос Тәк пәвылн вӧвыглавәсӕв. Кульпаст ань Ӗринәква, хӕл алыщлан хӧтпат янытлан ос мӧт ялпың хӧталыт вәрыглавет, апыгрищанум ӕт тув ялантӕгум. Тәнаныл мәньщи ләтңыл ханищтыянув, ләтың вос вәгыт. Нәвраманум щәнь ләтың торгамтәгыт кос, тувыл потыртаңкве ат хәсәгыт.

Людмила ТЕТКИНА

Тан аквѣт ханищтахтасыт

Ойттур этпост ам Софья Ильинична Власенкова (Рукова) ѣт вѣщнтахтасум. Тав хосат тагыл Жиздра ѱст Калужский областит ѱлы. Ос Ханты-Мансийскан тав аквѣт ханищтахтам нѣт ѣт хѱнтхатыглан магыс ѣхталас. Тан пуссын Ханты-Мансийский педагогический училище 1973 тѣлт ѣстласыт ос лѣкква мѣн миныгласыт. Тувыл 2013 тѣлт ѱвыл щѣс тыт акван-хѱнтхатыгласыт ос тѱнт ат тѣл миннѣ порат ѱс хѱнтхатыглаңкве потыртахтасыт.

Ань тан лѣвнѣныл щирыл, ат тѣл молях ювле хулытсыт, ѱс та тыг акван-атхатасыт. Ам ань Софья Ильинична вѣрмалянѣ урыл мощ китыгласлум, тав ѣнумн таи лѣвыс:

— Ты тѣлт мѣн лов хѱтпа тыг ѣхталасѳв, ты ѣлыпал ѱс лов ѣлумхѱлас ѱлыс. Ань тѱнт ѣхталам хѳрум хѱтпа пѣнтсыл, мѱт хѳрум нѣт ѣхтысыт. 2013 тѣлт тан Ханты-Мансийскан ялуңкве ат вѣрмысыт, ань хотщѣгтым тыг молямласыт. Мѣн хосат тагыл ат хѱнтхатыгласѳв, таимѣгыс ѱвлѣт мѣнки халувт мощ хащхатсѳв. ѱвлѣт ѳс яныг кант акван-атхатсѳв, тот мощ ѣмыгтасѳв. Ам тананылн мѳйлупса тотсум, амки ѱлнѣ Жиздра ос Калуга ѳс хурил мѳйлуптасанум. Тувыл пѣдучилищѣ коныл минасѳв, тот кѳщяныл ѣтим ѱлыс, мѣн ѣрнѣ нѣпак ат ѱщсѳв ос таимѣгыс тув ат тѣртвесѳв. Та юи-пѣлт мѣн «Октябрь» наппа колн ялсѳв, тот тѣнѣ колт тѣсѳв, потыртым ѣмщакв ѳнлахѱлсѳв. Хоты пѣвлыт ман ѳсыт ѱлсыт, рѳпитасыт, хунь хум вѣрсыт ос манах нѣврам янмалтасыт, ты ѱвылтыт потыртасѳв. Мѣнав ханищтахтам хѱтпат номылматсанѳв. Мѣн ѣтувнила ханищтахтам нѣт ѣтимыг ѣмтмыт, мѱлты порат ѣхталам Нина

Торговкина ѱс хотталыт шалтум. Тананыл пуссын ѣмас номтыл кѣстысанѳв.

Нѣ хѱтпат сѣвыңпѣлѣ нѣврамыт ханищтым рѳпитасыт ос ань пенсиян патхатасыт. Александра Бричко Кондинский район Леуши пѣвылт ань тыг мѳс школат рѳпиты. Ты хал пуссын ам хольтум колсори рѳпата вѣрѣгыт, туи тѣпкананылт капыртѣгыт ос апганыл ѣт юн ѳнлантѣгыт.

Тувыл мѣн Лосев наппа ѳскан хосыт ѣмыгтасѳв, пуссын пѣс колыт хѱт ѳнлысыт ос хоты ѳсхулыт ѱлсѳв, таит номылматсанѳв.

Ты ѳст ѱлмувт 45 тѣл ювле хулытыс, матуңкве ты патсѳв ос мѣн иң мѣнлатыг ѱлуңкве воратѣв. Мѱт ат тѣл ювле хулытнѣ порат акван-атхатуңкве вѣрмѣв ман ѣти, ат вѣллум. Ам тыг ѣхтын лѣнхум сака тѣрвыт. Мѣн ѱвлѣт пуссын ищхипың ут хосыт кисхатсѳв. Янгыщ пуссын хѱнтсанум, тан ѣтаныл ищхипың ут хосыт ѱс потыртѣв. Ань тананылн лѣтың кѣтѣв, хури пѱслѣв ос суссылтыянув тах.

Тувыл акв нѣв шар нѣмхѱт ат хѱнтыслѳв, тыи Галина Екимова, тав Мортка пѣвыл Кон-



С.И. Власенкова ѣмаспал нупыл китыт нѣ

динский районныл ѱлыс. Та мирколн ам пищма хансыгласум кос, ос ювле лѣтың кѣтсыт, Галина хосат тагыл мѱт мѣн вѣнтлыс ос воссыг тан нѣматыр ат вѣгыт.

Тыт аквѣт ханищтахтам нѣт коныпал ам Тюмень ѳст ос мѱт нѣт ѣт хѱнтхатыгласум. ѱвлѣт поездыл юил минымам, ам та ѳсн хѱигласум. Ам Ханты-Мансийский пѣдучилищат хѳрум тѣл ханищтахтамум юи-пѣлтилыт курсыт Салехардын ѣлѣль ханищтахтуңкве минасум ос тот училище ѣстласум. Тот аквѣт ханищтахтам нѣт ѣт хѱнтхатуңкве, ам Тюмень ѳсн ѣхталаңкве лѣвхатсум. Ань ат хѱтпа атхатсѳв, ос исум витыл хатсумалтахтын колн ялсѳв. Тот маткем та пувлысѳв, мѣнки ѱлупсав урыл потыртасѳв. Ос такем ѣмас ѱлыс.

Та ѳст ѱлнѣм сыс амки рѳт махманум Светлана Мерова, Григорий Решиков ос апганум палт мѳйлункве щалтапѣлсум. Тувыл Ханты-Мансийскан та ѳйимыгтасум. Ань Хѣльѳс нупыл ос ѣнѳя пѣвылн ялѣгум, рѳтанум кѣсѣлыянув тах. Мѱт мѣт ѱлымам амки самын патум мѣм тѣл марщумлавѣсум. Тувыл тот школат ханищ-

тахтам хѱтпанум ѣт хѱнтхатыглаңкве ѱс таңхѣгум.

Нѣн мѣныщи газетан магыс ам яныг пѳмащипа лѣтың лѣвѣгум. Ам палтум пищма хольт кѣтыяның, ам кѣсың ѣтпос ѳрхатѣгум ос газетат хунь кѣтн выганум, хот-щѣгтѣгум. Тот пуссын лѣххалыт ос потрыт ловиньтыянув. ѣнумн сака пѳмыщ, тувыл потрыт ловиньтѣгум ос амки мѣныщи лѣтнум хот ат ѣрувлылум. Вѣглум, мѣнѣлат хѱтпат тѣнки щѣнѣ лѣтнѣнылт сѣв пѳмщалахтуңкве патсыт ос ѣлѣль ханищтыяныл. Тан магысланыл сымум щѣгты. Тыи Валентин Дѣмин Московский областный ѱлнѣ ѳнѣ пыг, Денис Комков Санкт-Петербург ѳст ханищтахтас, ань ѳл ювле Саранпѣвылн минас. Тувыл Ягримныл ѱлнѣ нѣ Наталья Анадеева Саша мѣнѣ пыгкѣтѣ ѣт ос мѣныщи лѣтың ханищтѣг. Ты хѱтпат ищхипың ут хосыт щѣнѣ лѣтың ханищтан лѱпс вѣрсыт, ам тан ѣтаныл тот вѣйхатасум. Тананылн ам паша лѣтың кѣтѣгум.

Софья Ильиничнан мѣн сѣв тѣл пѳстагыл ѱлуңкве лѣвѣв, сѣвсыр тѣлат урыл мѣнавн потрыт ѱс вос хансы.

Тамара МЕРОВА

Мāнь пāвылквет ълнэ мāньщи хум

Мāн, газетат рӯпитан хѳтпат,
мѳкруг янытыл вāтихал яласѳв,
мāньщи мāхум ѳт хѳнтхатыглѳв ос тāн
уранылт потрыт хансѳв. Тѳва мāхманув
ѳт потыртаңкве туп ѳвылтахтѳв, тāн
тāра лāвѳгыт: «Ам урумтыл газетан
ул хансѳн, мѳт хѳтпат тув пѳслѳн».
Мāньщиянув сака нѳмсаг ѳлѳгыт, улпыл,
тыи мāгсыл газетан пѳслахтуңкве сака
ат кāсащѳгыт.

Тўят Хāльўс район
Анъя пāвылн ялмум
порат ам тамле нѳм-
са хум Александр Спи-
ридонович Пеликов ѳт
вāйхатасум. Мāньщи
хум анъ пенсия-олн
вуим ос хўл алыщлым,
вѳраим ѳлы. Тав ѳтѳ
хѳнтхатыгламумт ѳлуп-
сатѳ урыл китыглас-
лум. ѳвлѳт потыртаң-
кве щар ат кāсащас,
тувыл такви урѳтыл акв-
кит лāтың туп лāвыс:

— Ам Анъя пāвылт
яныгмасум. Хўрум класс
мус тыт ханищтахта-
сум, тувыл Ягримн кѳт-
вѳсум. Школа āстламум
юи-пāлт тāра Анъя пā-
выл совхозт рӯпитаң-
кве патсум. Совхоз хунь
лап-пантвес, вѳр сāгрим
лов тāl рӯпитасум. Та
порат пенсия урыл сака
ат номсахтасум, тувыл
нѳпаканум вāруңкве
патсум, ты лов тāланум
рӯпата тāлыт нупыл
аты ловиньтавѳсыт. Нѳ-
паканум щирыл ам ат
рӯпитасум, тымāгсыл
анъ пенсиям туп сāt
сѳтыра солкѳви сāvит
ѳлы. Мѳт мāн рӯпитаңкве

патхатнувум кос, тувыл
пāвлувт рӯпата щар
āтим. Лов тāl вѳр сāг-
рым рӯпитасум, анъ кā-
тагум āгмыңыг.

Тѳңкве ос матыр ѳри,
тымāгсыл анъ вѳра-
им ос хўл алыщлым
ѳлѳгум. Амки вѳраян мā
ѳньщѳгум, ты мāt ам-
ки нупылум хассанум.
Ты тѳланум вāрим ѳв-
лѳт Хāльўсн вāтихал
ялантасум. Нѳпакыт
аквторыг ѳс ат вāравет,
сāt манос тыгыл сāvнув
хѳтал тот ѳлсум. Анъ
хўл алыщлан, ўйхул кā-
тын-паттын мāгсыл ли-
цензия-нѳпакыт виң-
кве ос олн ойтуңкве ѳри.
Писаль ѳщнэ мāгсыл
нѳпаканум ѳс вāрса-
нум. Анъ ты нѳпакыт
Ягрим пāвылт МФЦ-
колт вāриянум.

Рўтанум Анъя пāвылт
ѳлѳгыт, мѳтаныт Яг-
римн вāнтласыт. Ам тай
хоса Ягримт ѳлуңкве
ат вѳрмѳгум. Тѳва по-
рат тѳланум щирыл
тув ялѳгум, ос тāра юв
молямлѳгум. Анъ мā-
хум ўйхул янмалтан
мāгсыл олныл ойтā-



А.С. Пеликов

вет, ам лув ѳньщѳгум,
Ягримн заявление-нѳ-
пак хансуңкве вѳвыг-
лавѳсум. Ам яныг пāв-
лын ялсум, нѳпакыт
мирколн тотсанум ос
тāра ювле минасум.
Анъ лувум мāгсыл акв
тāl сыс хўрум сѳтыра
солкѳвил ойтāвем.

Сака мощца пенсия
выгум, таимāгсыл кā-
тын-паттын ўйхуланум
ѳл тыналыянум. Нѳ-
выль пāвлың мāхма-
нув ѳвтѳгыт, тѳва по-
рат Ягримт тыналѳгум.

Бензин ос мѳт ѳрнэ пор-
масыт ѳвтүңкве ѳс ѳри.
Анъ хўл алыщлаңкве
мўсхал щирыл ѳс ат
тāртавѳв. Кит тāl витѳ
сака яныг ѳлыс, хўл
ат алыщласѳв. Витѳ
хунь мāниг ѳмтыс, хўл
пувуңкве вѳссыг ат
рѳвыс. Тѳнэ мāгсыл хўл
пувуңкве ат вѳрмысѳв,
я вāтан туп ѳхтѳв, рыб-
инспекцият рӯпитан
мāхумн тот ўравѳв. Кит
тāl хўл тāl та ѳлсѳв.

Людмила ТЕТКИНА

Лўимā сѳрипос

(Северная заря)
№17 (1179), 06.09.2018
Соучредители
Дума, Правительство
Ханты-Мансийского
автономного округа – Югры
Издатель
Департамент общественных
и внешних связей Ханты-
Мансийского автономного
округа – Югры

Редакция

Главный редактор –
Решетникова Р.Г.
Телефон (3467) 33-36-82

Заместитель гл.редактора –
Кондина Г.Р.
Телефон (3467) 33-22-72

Ответственный секретарь –
Узель В.В.
Телефон (3467) 33-23-09

Адрес редакции и издателя:
628011, г.Ханты-Мансийск,
ул.Комсомольская, 31
тел./факс (3467) 33-17-52

E-mail: gazeta@khanty-yasang.ru
Газета размещена на сайте
www.khanty-yasang.ru

Отпечатано:
ООО «Новости Югры-
Производство» г. Сургут,
ул. Маяковского, д. 14.

Индексы **04399, 54399**
Тираж **1710** экз.
Заказ **3436**
Цена свободная

Мнение авторов
публикаций не
обязательно отражает
точку зрения редакции.

Газета зарегистрирована
Управлением Федеральной

службы по надзору
в сфере связи,
информационных
технологий и массовых
коммуникаций
по Тюменской области,
ХМАО-Югре и ЯНАО.

Свидетельство
о регистрации
ПИ №ТУ 72-00795
от 23 января 2013 г.